

見聞續筆

見聞續筆卷十九

婺源 齊學裘 子治

先大夫雙溪草堂書畫錄

總目

家字匣歷代書畫卷十七件

雞字匣同

野字匣歷代書畫卷冊十三件

鷺字匣歷代書畫卷冊楹帖十二件

同字匣董臨閣帖十冊

登字匣董字卷二十件

俎字匣董書畫十冊

春字匣董北苑夏山圖大卷

蚓字匣沈石田江南山水大卷

秋字匣朱晦翁大卷

蛇字匣李龍眠大卷

共字匣沈石田唐六如山水大卷

一字匣蕭尺木山水二巨冊

僊字匣王石谷山水大冊

君字匣王叔明山水大冊十幀仇十洲人物大冊十幀  
家字匣王元章梅花卷王石谷大松卷

兩字匣李成盤車圖軸

行字匣王石谷山水巨軸

十字匣郭河陽山水巨軸

三字匣元四家山水大軸

字字匣同

氣字匣名人扇面八冊

壓字匣惲王扇面四冊

鄴字匣名人書畫扇二十柄

侯字匣歷代書畫軸十六件

三字匣同

萬字匣歷代書畫大軸十二件

籤字匣歷代書畫小軸四十件

家字匣

唐王右丞精能山圖卷

唐林藻深慰帖卷

宋蘇文忠書方元英詩卷

宋黃山谷書梵志詩卷

米虎兒海岳庵圖卷

墨王定武蘭亭卷

米南宮書崇國公墓志銘卷

黃山谷草書臘梅三詠卷

夏禹玉山水卷

元吳仲圭山水卷

錢舜舉竹林七賢卷

明沈石田設色花卉卷

楊椒山書雁山記卷

陳白陽花卉卷

陸包山翎毛卷

吳漁山雲山卷

仇十洲輞川圖卷

惲南田三花卷

雜字匣

東坡與謝民師書卷

白玉蟾詩札卷

劉松年百忍圖卷

趙文敏過秦論三篇小楷書卷

宋王齊翰勘書圖卷

張無垢書黃庭卷

周文桀藍關圖卷

唐胡瓌醉番圖卷

米襄陽雲山卷

米漫仕朱文公合裝卷

黃大癡山水卷



倪高士獅子林圖卷

王孟端松石卷

文衡山蓉江圖卷

唐子畏逸晚亭圖卷

仇十洲獨樂園卷

吳漁山琵琶行圖卷

王司農富春圖卷

野字匣

王孟端墨竹卷

沈石田風溪遠訪圖卷

祝枝山杜詩卷

宋搨顏魯公論坐帖卷

文待詔秋聲賦冊

趙文敏書不自棄文冊

王石谷仿古十二幀冊

陳白陽花卉冊

吳漁山仿古十幀冊

董文敏書金丹四百字小楷冊

董文敏四字楹帖

董文敏七言楹帖

文衡山七言楹帖

鵞字匣

董文敏雲山圖小卷

董文敏青綠山水卷

董文敏殘墨卷

商惟吉山水卷

程松圓九峯三泖圖卷

莫廷韓楷書卷

王文成論格致書冊

王雅宜小楷離騷冊

姚雲東三仙傳冊

宋張才彥書冊

趙文敏小楷心經冊

宋楊姚公墓志銘冊

同字匣

董文敏臨閣帖十冊

見聞續筆

卷十九

登字匣

董文敏臨二王帖卷

董文敏臨蘭亭詩卷

董文敏臨枯樹賦卷

董文敏臨宋四家卷

董文敏臨懷素自叙卷

董文敏書懷素草書歌卷

董文敏書儲光義卷

董文敏書洞庭二詩卷

董文敏升天行卷

董文敏邯鄲少年行卷

董文敏九辨卷

董文敏王右丞詩卷

董文敏輪臺行卷

董文敏韋司直詩卷

董文敏石林記卷

董文敏逍遙谷記卷

董文敏樓閣頌上二詩卷

見聞續筆

卷十九

七

董文敏送王侍御詩卷

董文敏雨窗論畫卷陳玉方先生跋

董文敏臨鵲鵲頌卷

組字匣

董文敏自書告身小楷冊二本

董文敏書太白詩冊

董文敏小楷千字文冊

董文敏臨王右軍帖冊

董文敏詩翰冊

董文敏書口太安人傳冊陳眉公撰陸稼書補書缺文  
董文敏書畫合冊

董文敏書畫合冊金牋

董文敏沒骨山水冊

王右丞精能山圖絹本高七寸九分長三寸有零董文  
敏跋於隔水上何吾驕跋王虛舟跋并題籤是卷以  
重價得於吳門

林偉乾深慰帖紙本高七寸八分長一尺四寸七分本  
身二百三十字唐林藻書藻字偉乾莆田人父披弟



蘊並名當世披爲華陽郡守有子九人世所稱九牧  
林氏者也藻貞元進士嘗試珠還合浦賦人謂之神  
助官至嶺南節度副使有書名而傳世甚妙宋宣和  
書譜所載惟此而已今唐帖如歐虞顏柳世所盛傳  
者皆不復多見況其餘乎此帖僅一紙歷數十紀而  
不失可謂難矣藏者永寶之隆慶戊辰十月茂苑文  
嘉謹識又六止生周天球跋明人題籤是卷以重價  
得於吳門

周文矩藍關圖絹本高七寸五分長二尺一寸九分吳

匏庵王文恪沈石田各題七古一首梁蕉林跋高江村題七古一首是卷以重價得於吳門

胡瓌醉番圖絹本高九寸六分長二尺三寸二分馬半

查日璿跋是卷以重價得於揚州

米襄陽雲山圖紙本高七寸七分長五尺七寸七分趙松雪觀款項子京藏月溪道人觀款郭懋跋陳炳藏款是卷以重價得於揚州

黃大癡溪山圖紙本高九寸九分長四尺三寸二分沈思孝跋宜春山跋錢茶山七古一首陸丹叔跋潘庭

筠七古一首張足巖應均所藏自題二絕句又跋沈

思孝出處是卷以重價得於吳門

蘇文忠與謝民師書紙本高七寸七分長二尺八寸三百五十字首行是殆不然以上數字乃以前缺字綴於此不成文理前缺一段叟堅補於後并跋陳眉公跋董思翁跋馮伯衡跋於隔水上銓是卷以重價得於吳門繆氏

黃山谷蠟梅三詠絹本高七寸六分長六尺楊嘉祚跋張得天二跋趙懷玉跋是卷得於毘陵

白玉蟾詩札卷紙本前詩高八寸六分長三尺六寸六分後札高九寸長三尺零六分王虛舟跋是卷以重價得於揚州

蘇文忠書方子詩卷五言律三十五首七言律二十七首七言排律一首計二千五百四十三字王百穀跋宋葆醇錄趙文敏李善長文待詔董思翁陳眉公張青父諸人跋又記是卷得於揚州

黃山谷書楚志詩卷紙本高七寸六分長一丈二尺三寸楚志詩三百六十二字自記四十九字共四百十

一字董思翁跋在本身上首重光跋梁清標跋卷尾  
有高唐事記所得之價百二十兩陸時化記所得之  
價二百六十兩又醇中二十兩是卷以重價得於吳  
門

米南宮書崇國公墓誌銘紙本高七寸三分長一丈七  
寸四分鄧文原跋柳貫跋揭宏跋素拙跋陳眉公跋  
梁芷鄰觀欵玉方師跋是卷以重價得於京邸

米元暉海岳圖紙本高五寸六分長八尺二寸二分元  
暉自跋二十七行紙高五寸八分長三尺六寸三分

薛義題葛元詰題貢師泰題劉中守跋鄧禹志跋吳  
匏庵詩曾璫觀米希文觀邊猛生觀董思翁錄倪雲  
林與陳叔方書語又二跋是卷以重價得於清江

李伯時烈女圖絹本高七寸長六尺零吳匏庵跋文待  
詔跋瞿中溶跋是卷以重價得於吳門

夏禹玉煙江夢嶂圖紙本高七寸長一丈六尺馬日璫  
跋是卷以重價得於揚州

梅道人山水卷絹本高八寸三分長一丈五寸高鳳翰  
二跋鮮于伯幾跋宋仲溫跋是卷以重價得於揚州

趙文敏書過秦論三篇絹本高八寸三分長五尺四寸  
自跋董思翁跋王虛舟跋張謙跋仇遠跋鮮于伯幾  
跋李仲賓跋李衍觀欵先大夫梅麓公自題七古一  
首并跋是卷董小查太史所贈

米漫仕朱文公書札合卷紙本米書高六寸七分長三  
尺五寸七分朱札高九寸長一尺三寸董思翁跋是  
卷以重價得於梁溪

倪高士師子林圖紙本高八寸三分長二尺二寸四分  
本身自題董思翁跋於隔水絹上陳仲醇姚叔祥觀

欵張孝思跋笈重光跋卷尾笈重光藏欵張觀宸記  
價三百二十金項墨林藏欵曹懌記價四百二十金  
是卷以重價得於吳門

王孟端松石卷紙本高八寸五分長一丈五尺一寸五  
分陳祚明跋謝希曾二跋是卷得於吳門

文待詔蓉江圖紙本高七寸七分長四尺四寸八分前  
題蓉江二大字分書後蓉江記行書皆待詔書楊儀  
蓉江賦是卷得於吳門

仇十洲獨樂園圖絹本高七寸九分長一丈四尺八寸



六分文待詔書獨樂園記及詩紙本高七寸長一丈一尺餘紙多九寸項子京藏項禹揆跋是卷以重價得於新安

唐六如逸晚亭圖紙本高七寸五分長三尺六寸四分杜啟逸晚亭說王文恪記李傑詩二首林小泉兩記前記應裝後沈杰書後陳瑊詩張叔未廷濟跋是卷得於吳門

王麓臺臨子久富春山圖紙本高九寸長八尺三寸七分黃忍庵題麓臺自題後是卷得於吳門

吳漁山白傳湓江圖紙本高八寸五分長五尺九寸四分  
分自題絕句一首張廸書琵琶行并跋是卷得於吳  
門

楹帖

文待詔七字聯

董思翁七字聯

董思翁四字聯

陳基八字聯

劉石庵八字聯

見聞續筆

卷十九

三

劉石庵七字聯

張得天七字聯

張得天六字聯

王夢樓八字聯

陳玉方先生長短聯八對

姚姬傳年祖七字聯

潘三松先生八字聯二對

李石湖年丈七字聯

英煦齋相國八字聯

費相國八字聯

鄒相國 炳泰 祝曹太祖母八十壽聯

匾額

董文敏書雞樹館三字額紙本

翁覃溪書在山泉三字額紙本

陳玉方先生書春暉堂三字額紙本

陳玉方先生書小遊仙館四字額紙本

錢梅溪書雙溪草堂四字額紙本

潘三松先生書湖山書畫樓五字額紙本

挂屏

董文敏書大屏十六幅紙本

王覺斯書大屏十二幅絹本

王虛舟書四體大屏四幅紙本

錢載松石大屏六幅絹本

鄭板橋蘭竹自題大屏八幅紙本

陳玉方先生行書中屏六幅冷金牋

陳玉方先生楷行書中屏四幅描金白蠟牋

陳玉方先生書蘇詩中屏四幅紙本已刻入寶禊室帖

中

同年書屏六幅描金白蠟牋

聯屏甚多年遠失記不能盡錄

名人書畫薈

周東村山水

唐六如漁父

徐天池山水

徐天池枇杷

沈石田枇杷

董文敏臨垂虹亭詩

董文敏行書

文待詔行書

文待詔山水

仇十洲羅漢

周之冕花鳥

周天球行書

王麓臺傲子久山水

王時敏山水

王元照山水

王石谷山水

王忘庵墨花

王孟津行書

惲南田山水

馬湘蘭蘭竹

陳眉公行書小詞

陳眉公蓮花

陳白陽花卉

見閩嶺筆

卷十九

六



陸包山花鳥

吳漁山山水

陳玉方先生書麓臺畫扇之陰

陳玉方先生書南田畫扇之陰

先大夫梅麓公生平酷好書畫由庶常出爲宰牧丁  
內艱處爲經師所得養廉束脩及售手製鐘毬墨刻  
趙帖之資多半購買書畫古帖終日鑒賞樂此不疲  
者四十餘年晚歲去膚存液手定書畫錄如千卷藏  
之宜興湖山書畫樓不輕示人辛丑六月先大人忽

冒暑氣而遂見背豈不痛哉庚申之變蘇常失守湖  
山書畫樓中物不可問矣越四年江南克復

學表

渡

江至溧陽戴埠山中脩理邱墓回至宜興雙溪草堂  
惟見空樓十間了無一物三徑全荒老桂猶存比之  
冒辟疆水繪園僅存基址池塘錢慕齋絳雲樓獨存  
典籍目錄阮文達文選樓僅遺閣帖王書差勝一籌  
何則樓未毀而樓中書畫流落人間猶有存者至方  
橋見俞星文表弟得其手錄雙溪草堂書畫錄一冊  
後半霉爛無存云是逃及回方橋時從破書堆中檢

出者眞所謂湯盤孔鼎有迹作今無其器存其辭耳  
星文少事先大夫料理家務收掌書畫故有書畫錄  
副本以備查考

學裘

今年七十有二歲矣仲蔚蓬蒿

淵明乞食維揚小任羈旅無歸甬窗清暇手抄書畫  
錄殘本分爲三卷刊入見聞續筆中以公同好一覽  
嗟乎翰墨因緣煙雲過眼古今同慨夫復何言大凡  
寶物之在人家譬如威鳳祥麟之在郊藪來其暫去  
其常也惟有古今書畫錄流傳世間歷劫不磨回憶  
兒時過庭親聆教勸書畫法帖眞爲歷代紙絹墨色

異同骨董家造作半真半偽之流弊言猶在耳何日  
忘之忽忽五十餘年兵亂之餘先人手澤百難守一  
強作達觀實可悲已同治十三年九秋學裘謹跋

見聞續筆卷二十

婺源 齊學裘 子治

張壽齋先生家傳

先生諱陵字次彪號壽齋又號魯岡贈奉直大夫。世居安徽婺源縣甲道爲著姓。祖諱啟珣父諱英曜國學生。贈奉直大夫。先生生于乾隆辛丑年正月元旦。先生少業儒性稟穎異。縣府試屢列前茅而不售。嘗慕范文正所云。不爲良相當爲良醫之言。以自勵。年及壯棄儒習醫。著醫學探源十卷。壽齋醫按四卷。頓遭劫火。惜未付

梓先生事父母竭力盡孝。及卒祭葬盡禮。撫兒輩嚴而  
使勞。三十三歲督修始祖大三公祠。任勞任怨。分毫不  
苟。家務盡委長男。專心行醫濟世。寒暑晝夜來請必赴。  
畢生未曾受謝一文。鄉隣有爭鬪。極力調停。橫逆之來。  
受之不怪。生意被吞而不問。欠賬不討而焚券。代友還  
銀。撫孤成立。爲人解債而留媳。族人陷粵而攜歸。還產  
立嗣。輸租報本。一生爲人寬厚和平。光明正大。種種善  
舉。指不勝屈。按狀書此。可知其概矣。道光戊申年八月  
二十八日卒。享年六十有九。卒前一夕。握管自述歷遊。

江南江北江西浙江廣東所見人事大都仁義者昌凶  
惡者亡。又囑兒輩曰。吾爲爾輩累。事多不能如願。後有  
善舉。爾等當勉力爲之。勿忘吾囑。越一日。食畢沐浴易  
衣。正身仰卧而逝。配胡氏宜人。溫柔淑慎。愷惻慈祥。事  
上孝。撫下慈。周恤貧窮。箴規娣姒。獨具卓見。女中丈夫。  
先生昔遊粵東。久斷音信。外人訛傳先生被盜。宜人聞  
之。怛然謂兒輩曰。人言汝父被害。決無此事。吾觀汝父  
孝友嫻睦。尊祖敬宗。以敬持已。以恕待人。非存心以仁  
者。何能爲是。豈有仁人而罹兇橫若此哉。道光甲辰年。

二月十六日壽終享年六十有四。胡宜人生子六。長端告次端。誥誥授奉直大夫布政司理問。三端諫。四端論。登仕佐郎業儒。五端譯國學生業儒。六端謫國學生服賈。孫河渡河。炎河杰河麓河泓河澄河滿。曾孫都金都欽都鍾都鋒。

齊學表曰。吾家與先生世姻好。見時從先大夫梅麓公宦遊江蘇二十年。流寓陽羨綏安吳門上海崇川海陵。邗江四十三年。久不歸鄉。六十有四載。雖未得見先生之面。而先生好善精醫之名。鄉人道之詳矣。僕亦聞之。



熱矣。中心藏之。何日忘之。同治十三年歲在甲戌。余客揚州。地官第隨安室。適逢先生哲嗣端論。端譯。端謁。三君論心話舊。慰余寂寥幸矣。端論年六十三。端譯年六十。端謁年五十四。棄儒服賈。孝友誠篤。極有父風。盛道拙著見聞隨筆一書。發潛德之幽光。表名流之盛業。有關世道人心。不類搜神志怪。過蒙獎飾。何以克當。不以學裘爲不文。遂出示先公行狀。求作家傳。將載之家乘。以永其傳。感且不朽。辭不獲命。按狀述之。噫。壽齋先生古之仁人也。豈特一鄉之善士也哉。其心則阿衡之心。

其志則文正之志。使其達而在上。致君澤民。先憂後樂。措天下於泰山之安。不卜可知矣。窮而在下。終日以濟人爲懷。能爲人所不能爲。忍人所不見忍。見義必爲。樂施不倦。抱如月朗。量似海涵。嗚呼。若先生者。誠古之所謂儒者哉。先生哲嗣。極啟孝友。無忝所生。不愧爲令子。詩云。孝思不置。永錫爾類。其是之謂乎。同治十三年秋八月。候選府知事。姻愚弟。齊學裘謹撰。

朱小尊

守府朱小尊

彝

安徽太平府蕪湖縣人。幼失怙恃。惟母

舅葉秋原是依並從母舅學書。咸豐六年賊擾皖南。家鄉不能安處。隨同母舅避亂至徽州績溪縣。是時彝年十七歲。以畫營生。越三年至歙縣。遇許益齋太守程采芝刺史。留在新安衛軍糧處作畫。十年春。吳肇舟刺史邀彝至休寧縣城局中繪畫。頗有生色。至是年十月賊大隊攻陷徽州府。母舅同程采芝避至獅子山下。有程六齋曹筱石諸君。彝同吳肇舟刺史躲避休寧山中。越一日。聞得母舅信息。當日尋至獅子山與母舅會面。不數日賊至。彝又同母舅避亂至浙江蘭溪縣。是時已十

一年四月間。毋舅乃命從戎。在提台曾得勝營中。曾營紮在金華府東門外三十里五都曹村。四月底由義橋諸暨縣行抵曾營。至都司滕芳鋒處就事。筆墨五

月初二日。賊首偽侍王帶馬隊賊數千騎。步隊賊萬餘

沖出金華府東門直逼曾營。不一時曾營大潰。屍橫遍

野。血流成河。曾提台滕都戎陣亡。在營中自分萬無

理理。跳屍堆上。逃出營門。走下稻田泥水數尺深。至一

小山坡。遇一賊手執長矛。頭戴五色花草帽。身穿黑滿

綳褂褲。問何處人。彝云蕪湖人。賊笑云我是廬州人。乃

是同鄉。我不殺汝。汝有銀子否。彘帶有元寶一枚。隨取出付之。賊欣喜非常。說汝同我走。可保無虞。少頃又來一賊。手執兩把大砍刀。走來便要砍殺。被這賊攔住。說不得亂殺。是我捉得妖。不關爾事。爭鬧片刻而去。這賊云不必驚慌。我同汝去館子中歇息。剛行至館子內門口。來兩個巡查賊。一執大令刀。一執令旗。說此係妖頭。將彘一把拉去。尚有兩廣兵一同拉去。巡查賊云。侍王有令。今日捉來之妖。一個不留。先到恭老虎處殺。恭老虎向彘一笑。說到侍王府去殺。卽扯之侍王府。走至半

路離王府一箭之地。忽執令刀賊問葬在妖裏所做

何事。葬云繪畫營生。賊聞大喜。卽向拿令旗賊首說此

人能畫畫。我們將他帶回館子畫畫。豈不妙哉。賊云甚

好。執令刀賊卽將葬送往館子中。賊首拉兩廣兵至侍

王府侍王命。捆柱上破腹挖心。慘不可言。巡查賊官封

遶天燕。湖北人姓李名有福。當晚回館中將所殺兩兵

一一詳述。葬與賊首各詢姓名。賊云明日五鼓大隊動

身去破杭州。我著一弟兄送先生回金華府城內爲安。

至明日五鼓時。賊大隊起程。侍賊葬在大路口親自查

視又殺百餘官兵。葬幸押送賊一路照應。少頃又遇巡  
查賊目來問此妖何不拉去殺。押送賊云此係我館內  
先生祈勿加害。巡賊即去。葬思數次絕處逢生幸賴祖  
宗庇佑。押送賊係廬州人。沿途保護緩緩而行。當晚至  
金華府城內館子中。賊云請先生畫畫。葬即大揮禿筆  
畫官兵長毛交戰。兼畫各色花卉翎毛。又寫文書信件。  
賊酋大喜。待如上賓。越一年同賊酋偽侍王大隊至溧  
陽縣。是年秋八月中旬。葬自溧陽城外乘一船帶十餘  
人皆有思家之意。葬命開船連夜駛至蘇州葑墅關。久

河內混過賊卡。投至華字營。吳伯華毓芬觀察處蒙觀

察。留置營中。將十餘人遣散。同藉。並囑畫克復嘉善縣

城圖。彝在吳觀察處數月。又至丁日昌中丞處。繪圖兩

年。並蒙栽培。保舉江蘇撫標守備之職。賞戴藍翎。同治

丁卯年至滬上。製造局繪圖。忽於七月下旬。偶遇鄭雪

湖世丈。詳詢顛末。始知母舅早經物故。遂將手蹟見賜。

人琴之感。觸目生悲。彝娶妻林氏。甚賢淑。生子女各一

光緒紀元七月十三日。余客揚州。朱小尊手書半生出

處。事畧寄眎。余遂錄之以傳斯世。小尊年三十有四。與



吾兒功成結契如同胞。小尊妙繪能造古人之室。爲余  
寫七十歲小像。神色逼真。見者無不歎賞。又繪無量壽  
佛。祝余七十壽。又繪怪石美人鍾馗。稱鬼贈余筆。精墨  
妙必傳之作也。小尊幼未讀書。居然通文藝。習丹青卓  
然大家。得逃虎口。遂登龍門。如小尊者。真可謂出乎其  
類。拔乎其萃。入火不熱。入水不濡。死而得活。困而能昌  
者矣。目之人傑。誰曰不然。

### 數定難避

布商某長在漢口辦布。租一大宅棧布。貨值萬金。一夜

赴庭歸見一人皂衣紗帽持大筆書數大火字於已棧  
墙上。駭甚急移去十餘里。半月後新移處火燒百家。商  
布焚盡。舊處並無火災。可見劫數難逃耳。

### 搶劫顯報

婺西詹家某年三十餘。素行刁詐。強橫鄉里。因西寇亂  
以盤查奸細爲名。專奪逃出人衣物。并有被其害者。同  
治四年春在田耕作。忽一小虫飛入口內。腥穢不堪。遂  
覺喉痛。少頃頭腫血出。爲汪號叫。七晝夜而死。遍體青  
紫。宛若杖傷。人皆謂其奪貨殺人之報。

張麻子

西寇所到。殺人如麻。尸積遍野。有何氏子。年二十餘。逃至丹徒界。意欲逃避江北。途中適與賊遇。何見賊旗。逼近。無處躲藏。急將尸覆身上。以避賊。賊過盡。何起。見月色微明。時已二鼓。整衣將行。忽聞鳴鑼呵殿而來。意賊繼至。復伏身尸下。聞人聲已近。繼聞驗尸報名。何偷覷之。見一官明服公案。危坐。差役翻尸驗報姓名。傍一書吏執筆登冊。及見何駭曰。此人當死於七濠口。張麻子之手。何故在此。驗畢而散。何聞人衆去遠。坐起思此必

冥官查明應劫人數。我該死於張手。數已前定。復奚逃。卽望七濠前行。至其處。見男婦老幼三十餘人。坐地怨泣。何問故。眾曰。我輩至此。想過江逃命。不料無錢。舟不肯渡。只得待死於此。何聞言心惻。自思我有洋銀四十元。此身已在劫內。不如相贈。以救眾人。於是代給舟資。餘洋散與眾人作口食之資。眾盡登舟。請何同渡。何不肯行。眾再三強之。何堅執不行。天漸曉。喊聲大振。何曰。事急矣。汝等速渡。無自誤也。眾皆拜謝垂涕而渡。少頃。天明。見一賊麻臉黑色。持刀乘馬洶洶而來。何大叫曰。

張縣子你來了。我待之久矣。賊僮得馬細覷良久。拋一包於地。回馬竟去。何拾視之。見帛裏金條數枚。約重二十餘兩。洋銀十餘元。自知大劫已過。遂渡至江北賃屋而居。後遇救渡衆人。感其德。作伐娶妻生子。平定後。攜家回里。何係常州武進縣西鄉人。張志仁曾至常聞友人章金魁述其顛末。惜忘其名。故特書之。

### 雞火

饒之樂平有葉某。素行強橫。人皆畏之。於是豪霸一村。葉家失去雄雞一隻。隣家一雞羽毛相似。葉卽冒爲己。

雞隣婦誓不肯與葉。卽叫罵其夫自外歸曰：「一雞之小，何得如是？」遂與之。葉捉雞至家，以破布條纏雞足。雞奔出外，追之至隣家。雞竄竈前，見葉追急，飛入竈內。適隣午炊，釐火正熾。雞見火，卽出，足係布條已燃，復迫入。已見雞見衆人圍捉，卽飛上樓。著處皆燃，房屋盡焚。葉祇顧入屋搬物，被火燒傷，醫藥罔效，終痛難禁，號呼數日而死。一生強橫，竟受此報。人之強橫不法者，當此爲鑑。

### 犬異

婺西樟村項姓養一幼媳，年十二歲。家蓄一犬，喫剩

飯盛之以籃。縣於梁間。每日項與妻出外。則被犬竊食。項妻皆謂幼媳偷喫。常毒責之。隔壁空屋數間。某先生訓蒙其內。一日知項家無人。聞拖橈聲。遂於壁縫窺見其家蓄犬。人立而行。拖橈至掛籃處。犬以後足立橈上。以前足將籃探下。菜飯食完。將器皿安放籃內。蓋好。掛上。將橈移開。其夫婦回。又責媳。先生聞之。則代白其冤。犬卽怒視而吠。先生見之大懼。反身回館。犬卽逐而齧之。項怒。杖殺之。道光二十八年事。

忠伶

伶人王兆悅居婺西之王村。幼失怙恃。無伯叔兄弟。漂  
流於外。至歙界。遇梨園收王習。副淨脚色。稍長。藝絕倫。  
一齣出。則眾稱賞不已。尤精武藝。槍棒甚熟。因寇亂失  
業。時已娶妻生子。家亦小康。值團鍊招勇。王卽應募。屢  
與賊戰。斬賊目數十人。屢得戰功。後於咸豐十年。與賊  
戰於思溪。賊敗而奔。王乘勝追之。爲伏賊所圍。雖一身  
被圍。尤能奮勇殺賊數人。寡不敵眾。力盡遇害。當局諸  
人厚葬之。入於忠烈祠。

輕薄賈禍



道光己酉張志仁客於廣東城外有洪聖廟卽火神也。每歲正月十三至十八居民各以紗絹製燈人物鳥獸花卉蟲魚極盡精巧。燈火極盛。每夜士女雲集。混雜而觀。有少女美豔無匹。入廟觀燈。一輕薄子挨擠身旁。私探女手。摩弄再三。女不嗔不言。聽之而已。輕薄子喜極。俟女出廟而尾之。女已覺。低語曰。休來。明夜候原處。輕薄子聞之喜不自勝。次夜輕薄子候於廟。果見女來。仍立前處。輕薄子喜踐前言。復至女旁。又探女手。不料女手已伸。竟拉輕薄子手。加意撫摩。輕薄子樂不可支。任

其所爲無何聞剪聲咯咋輕薄子在呼蹲地女竟出廟飄然而去眾環視之見某左手鮮血淋漓中指剪斷呼痛不已此事係張志仁日擊記之以爲輕薄之戒

費姓善報

賊破常州民皆望江北而竄有富家婦攜婢逃至七濠口婢因急渡江荒亂中失去首飾盒一隻內貯金銀珠寶首飾值數百金後有費姓至年纔十九見袱裏盒知是逃難者所失遂身坐其上守候失主少頃主婢至岸方覺失去盒物婢卽登舟復至其處尋覓不見祇見少

年坐地。婢向前萬福。問曰。郎君到此幾時矣。賈答曰。到久矣。汝問如何。婢告以故。賈曰。物在汝勿憂。但人將原物見還。當何以報。婢思主人之物。不能以物相酬。沈吟不能對。蓋賈因見婢年十六七。風度嫵焉。心實好之。而不能出諸口。則曰。吾不重物。婢已覺。遂慚忤。言曰。身報可乎。賈聞言甚喜。時在夏末秋初。蘆葦叢茂。約會蘆中。費令婢先入。婢將蘆葉鋪地。裸卧以待。費入見婢赤身於日光之下。遂轉念曰。天光明昭。豈容人行此污穢事耶。急以袖掩面。令其速起。穿衣。婢恐不肯見還。又促之。

曰君來不妨。妾不食言。君欲妾報者正在此耳。費曰汝休矣。前言戲之耳。吾敢沒良心而欺天日哉。汝急著衣。攜盒快去。此間不可久留。於是二人急渡江而北。婢見主母呈上手盒。備述費之難得。主人亦稱歎不已。數月後賊燄稍靜。婢隨主人回家探望。登舟渡江。舟內二十餘人行至江心。風浪太作。舟將覆。內有一白鬚老人曰。汝等諸公或做虧心事。速速言明。可以保衆性命。衆皆云無。忽見一少年狀貌甚偉。自陳在七濠口所遭顛末。立刻風平浪息。安穩到岸。衆叩其姓名。荅云費某。於是

婢之主人請與同行。詢知孑然一身。遂攜至江北。贈婢賜金。令同居焉。

活人投猪

婺西畢坑有黃某。趙某友善多年。黃家頗裕。趙僅自給。離黃家數里。趙因歲晚缺用。向黃借銀十兩。黃卽如數相付。欸待以酒。殷勤相待。趙遂大醉。辭歸。遺失銀於黃家桌上。趙至家。妻見其醉甚。卽扶歸寢。趙昏昏而睡。毫不記憶。直至天明始醒。急搜兜肚內。竟空空。仔細思之。記得銀放黃家桌上。起赴黃家查問。黃硬抵賴。不承。趙

無可奈何。垂頭喪氣而歸。妻駭其狀。詰得故。嘆曰。何不  
早言我有錢數千。如不足。再質衣飾。何用借爲。趙忿曰。  
悔未與子謀。至有此失耳。妻云。無憂。隣家母猪將產。買  
一蓄之。售出可償此債。數日後。母猪產內一牯猪。較大。  
遂買蓄之。猪長甚速。黃於猪產日得疾。昏卧經年不起。  
次年黃妻令子向趙索債。趙告以售猪即可償。遂同黃  
子看猪。黃子一望。實非猪。是其父。駭極歸告母。前賴銀  
事。其母盡悉。卽令持券并銀付趙。誑之曰。吾母云正少  
猪用。今與叔商。貼叔糠食銀十兩付猪。繳約與叔兩清。

趙諾猪付黃子。至中途猪陡斃。黃子埋之。黃父霍然而愈。此道光二十六年事。張志仁述。

點化不悟

景德鎮王家洲於同治七年四月下旬。忽來一爛脚乞丐。手捧一桃。大如飯碗。半青半紅。繞洲連聲呼曰。桃晝夜不息。人皆惡之。至五日遂不見。後於五月十二三連雨數日。水大漲。居民人口房屋猪牛逐浪奔濤。不計其數。王家洲上聚看者數百人。忽洪水沖開洲岸。洲在河心上。陷五百餘人。波濤洶湧。岸上人束手無策。不能往。

救波浪泊天洲。遂没人皆溺死。前丐是仙幻形。點化惜人不能解悟耳。

### 灰蛇

同治十三年六月初旬。揚州南門外忠烈坊朱鐵匠家。小徒買一西灰約二斤。破開見內有一火赤煉蛇。長尺許。粗如指。蜿蜒而出。扑殺之。細視灰皮毫無破洞。

### 義夥

戴呈葵之巖前人。少孤貧。二十歲時因偷富家竹。富家知之將捉治罪。遂避於山中不能出。有種山者蓬居故



戴得以棲身。種山者謂戴曰。子徒避於此。終非久計。不  
如外地謀事。尤爲長策。遂助戴資斧。至常德府之德山。  
代客運餉。至南京往返數次。後遇洪姓客。亦婺人。見戴  
爲人剛直無私。遂聘爲數。數年後。洪抱病。自知不起。托  
戴扶持妻子。料理家務。洪遂卒。洪時家金陵。子幼。資財  
數千。盡付戴經理。每年祇取工食。毫不多取。代洪延師  
訓子。洪子廢學。戴卽苦言相勸。繼之以泣。洪子愧悔。發  
憤讀書。戴卽喜。後洪子成孝廉。家業數萬。皆戴力也。戴  
素不識書算。代洪經理數十年。並無賬籍。及老辭歸。謂

洪子曰。我不識字。故無賬籍可憑。當於汝祖先堂下焚香。表我心迹。庶免後人口舌。洪子不肯。洪堅執不移。遂焚香對天立誓。又向洪祖先剖白一番。而後辭眾登舟。歸數年無疾而終。年八十餘歲。其子孫綿綿昌盛。人咸謂其忠義長厚之報云。

陳孝廉功過顯報

陳茂才。南通州人。失其名。風度秀美。年卅餘。名士也。家貧。受徒爲業。道光丙午鄉試。陳至南京。僦寓至一家。往後樓看房間。見床頭有寶銀五十兩。袖之出。謂主人曰。

房窄不堪任。先是一山西客寓此樓。是早動身。遺銀在樓上。陳甫出客。卽奔至上樓。尋銀不見。問主家。回不知。客鳴官。官追店主。相延歲月。各耗錢財。陳落第歸。患疽半年。銀盡瘡未愈。失館年餘。困苦莫狀。歲末往鄉間。向契友貸錢。友不家。陳歸途中。遇雪急奔。沒脛。天晚不能行。忽憶前面有一生徒家。叩門。內一少婢出應。陳告之。故婢反白。主少頃一孀婦出。年三十許。態度妖嬈。延坐中堂。謂陳曰。家門不幸。先夫去世二年。弱子往外家未歸。如此大雪。先生自何處來。陳告之。故婦曰。天雪又晚。

先生非他人。居宿寒家。明日回宅。命婢淪茗具饌。婦在  
殷勤勸食。令婢掃榻鋪被請卧。陳入房門。猶未局。婦竟  
入。向陳調笑。拉與同寢。陳始亦惑。繼而思曰。我淪落至  
此。若再作喪良事。能出頭乎。遂誑欲大解。乃脫啟關。出  
冒雪而走。至半途。跌入坎下。昏暈雪中。矇矓間聞神語  
曰。吾等計字星也。因汝丙午南省事。上帝命纏汝。今可  
贖愆。吾等去矣。汝更努力。青雲不遠。須臾陳醒起。如履  
坦途。至家。妻猶未寢。問故。以他詞答。次日友來贈金。若  
干。明年代覓館。已酉捷南宮焉。陳對人自陳顛末如此。

燒尸惡報

如皋東鄉民。懦弱棍徒。刁橫與縣役夥串詐人。道光二十八年。馬觀龍宰斯邑。糊塗貪婪。縱役索詐。岔河南水蕩中棍某。將路斃乞丐。移至富家田間。欲索財。富家不肯出。鳴於官。馬驗尸。無故殮之。令置官地。刁徒夜偷去。時秋末。恐尸腐。以鹽鹵醃之。剃鬚易衣履。又詐一家。復如前驗訖。又復剃髮易僧衣。又移一家。其家自首。馬又驗之。刁棍想已經三次。未得幾文。夜以酒饌奠死者。祝曰。同汝合夥三次。所得無幾。今汝喫些小苦。佑得多金。

定厚葬汝。以火燒其頭面。忽然烈燄騰起。焚其住屋。一家八口盡燒死。只一幫工逃出。肅於他人。向人說報應如此。馬之糊塗如此。

### 還金德報

婺北坑頭潘祖蔭。水作匠。在長溪修何公祠。屋上墮傷尻骨。遂成癱疾。行乞三年。至長林得米斗餘。錢百餘文。回家至舡槽嶺。夜已四鼓。見二人先在亭內。潘至。二人已行。天將明。見亭隅遺金。潘拾而藏之。尋金人至。四望皆無。手足無措。潘叩之再三。失金者始實告。潘云金在。

待有人至。我爾言果相合。卽當還金。少頃三四人至。失金者言果相合。潘舉全金還之。失金人欲與底分。不受。謝數金。更不受。還家月餘。有一年少醫士至其村。自言萬病能醫。人不之信。適潘過。人指謂醫者曰。此能醫否。曰能。遂出藥與服。曰服完當愈。宜謝我千文。候一月來取。潘諾之。潘服藥。疾竟愈。潘辦錢二千文。候醫士至。數月不來。人皆疑爲仙。後潘活二十餘年而卒。予一名最俊。長厚有成。

程孝子

婺源東鄉黃坊山烏程氏子年十一。父子被擄。父逃賊。捉將殺之。子痛哭求賊以身代父死。賊憐而有之。後得脫難。

### 劉烈女

張志仁見鄱陽牛頭山劉氏女年及笄。賊姦不從。被殺而死。

### 少林僧

上海王楞仙云嘉興友述其地有某精武藝。居某鄉。設米肆。偕友出遊。夜就少林寺借宿。寺僧以火導入一室。



卽扃門去。某視室壁皆石。梁間惟一孔鐵其櫺。心知有異。遂躍身毀櫺。挾友出。囑遠俟之。已乃復入待變。遲聞發扃聲。急操刃伏門左。僧入迭斃之。懼勢孤。遂逸。遺一緞柄。刊名某慮。其執此追尋。然亦不敢返取。迨歸年餘。鄉中忽來一丐僧。肩一巨磨石。遇肆輒置櫃得錢始行。及某肆。某憶前事。疑僧。乃呵曰。知予肆例。不給丐乎。隨以手中帚掃磨石出。數丈外。僧無言卽棄之走。又年餘。有僧踵門。某方食。潛置鏡於胸。含飯出。僧見某遽前就。合十狀。爲指胸勢。而某亦遽噴飯。僧頭粒粒嵌入。僧旋

見聞錄卷二  
遁某驗鏡已粉碎。因虞其復來。特爲死。未幾一僧果繼訪。知某死乞一瞻。靈入則徘徊良久。向幃三吁其氣而去。去後視僧足跡。所經輒盡裂。幃內空棺扣之作破竹聲。某由是終身不負技云。

### 丁孝子

丁詩字韻堂。上海人。性專僻。好術數。於陰陽圖緯風角壬遁之術。無不窮究淵奧。爲人卜多奇中。事母至孝。嗜酒。母亦好飲。每口盡。卜資沽酒市脯。母子垂簾而酌。入其室。頽然皆醉人也。母少不懽。終夜跪牀前。不使之起。

卽不起。蓋詩少孤母窮。僦居僅容。寢處糞殮不給。縫紉  
紡織以佐之。教詩讀書。故品可謂賢母矣。詩貧不能娶。  
怡然膝下四十餘年。母子未嘗一日離。道光某年。母卒。  
詩拊棺一慟。嘔血滿衣。遂得狂疾。途中見老婦哭拜於  
地。書其母奇節苦行。拉雜千餘言。授其友某。若有所託。  
遂去。百步橋沈水死。

見聞續筆卷二十一

婺源 齊學裘 子治

盜女報讐

婺源北有兩施村。相隔數里。內施村有施進保。販木興化。時進保年逾五十。其子年纔十六。因身老子幼。遂將生意歸結千金。攜子回鄉。至南京上新河。自雇一舟。舟人一子一女一姦。女年約十五六。頗有姿色。運資過船。停泊數日。開行至紙馬河。船卽住下。舟人父子及姦皆登岸。施父子與舟人女守候舟中。其女忽望施子失聲嘆。

曰。真可惜。子聞告。父施大驚。卽同子長跪女前求救。女初不言。哀懇再三。女方曰。但有一事。翁能允我。庶可挽回。如不能。卽聽翁自處。施此時正當危急。卽曰。但求吩咐。維命是從。女問。令郎定婚否。施曰。尚未。女曰。妾救翁後。身無所歸。如能允妾以終身。卽赴湯火。亦所不辭。施諾曰。一總遵命。女曰。伊等至夜方回。待其回。再作計較。女將跳板拋開。船離岸丈餘。候至更許。三人醺醉而返。其父呼曰。快快將船拍岸。女將持棍立於船頭。答曰。要來。卽來。拍卽不拍。其父罵曰。小賤人。不知汝父手段耶。

卽蹤上船頭。被女一棍掃落江中。其兄大罵曰。逆婢無禮。吾與汝不兩立。亦一蹤甫立船邊。卽被女挑釁波心。其夥逃竄而去。女向施曰。翁勿駭。吾父兄盜耳。妾見其殺人多矣。今爲翁故。相繼殺之。以除二害。翁休挂口。免人駭聞。施雖口內唯唯。心上便生計較。此女殺父與兄。毫不費力。若歸家。倘不如意。一家休矣。遂蓄謀害之念。當夜將船移至他處。來早施僞云。船家不知何故逃去。登岸換船。女將船上銀錢衣物收拾過船。儼然一家子。媳船開兩日。是夜泊舟江岸。施出艙見月色皎潔。喚女

與子同上船頭玩月。女至立足未定。施出其不意。推入水中。女認其失。悞躍出水面。手攀船邊乞救。施子欲伸。手援之。施急推子船內。持刀截斷女指。女遂入水而沒。其子涕泣不已。施盼之曰。此惡婦也。若不早除。受害非淺。何泣爲。遂詐言女失足墮江。施父子運資歸里。娶媳稱素豐焉。二年後有俞某代人送信。往來上新河雇船載貨。泊船未發。夜夢一女姍姍其來。僉雜向俞曰。君帶客歸家。妾欲附君舟。斷不空勞。來日下午見風旋黃葉。則妾至矣。次日傍晚。果見落葉入船。開行數日。船低逕

縣下坊渡將捨舟登途。是夜俞又夢女謂曰。來日陸行。望呼妾名黃慧英。凡一路投宿。出店過渡。過亭望呼妾名。妾有金釵一枝。聊以爲報。次日起貨畢。果見船底金釵。於是依其所囑。一一相告。至清華街。是夜夢女來謝。并囑來早相會。求指視施村路徑。俞次早出店。果見女來。與夢無異。萬福相謝。并問路徑。俞一一指視。女謝而行。至外施村。有與進保同名者。年亦相若。遂崇之。病經數日。人見其狀。知爲鬼祟。奄奄待斃。有數人來望病。見其狀。嘆曰。此人一生忠厚。何故得此孽症。病人忽於牀。



上應聲曰。汝等不知其紙馬河發財事耶。衆曰。紙馬河去蕪湖不遠。此人一生從未出門。何得有是事。內施村進保近年發財歸家。病者曰。是悞矣。汝家所用之錢。自當奉還我去矣。病者霍然而起。是早內施村人見一少女。身背黃包袱。右手執傘。問進保家。有數小兒導之至其門。適進保晨起洗面。問諸兒曰。汝等問至我門何故。衆兒曰。汝家有一美貌女客來。我來看客。進保罵曰。活見鬼。一聲未絕。卽倒在地。雙手亂搥。大罵臭心賊。吾父與父殺人奪貨。惡實滿盈。吾殺之救汝。汝旣得我財。反

害我命。我哭訴陰曹。令我來索命。又誤害外施村進保。  
坑廢錢財若干。汝速償。吾當稍宥。其時舉家驚慌。急忙  
應允。立即如數償之。自後如醉如狂。或笑或哭。自打自  
搥。種種怪狀。日夜不寧。若其子來。卽執手悲泣。曰。妾因  
愛君。遂遭毒手。今日此結。萬不能解。但與君無干。妾當  
留汝夫妻衣食。汝要立我神主。爲嫡配。妾卽禍不及君。  
進保百般禳禱。無驗。纏擾數月。搥面嚼指。摘髮毀體。而  
死。此是道光初年事。張志仁述。

忠勇節畧

胡汝文。賈人也。金陵上新河木牙爲業。西賊犯南省。胡年將六十。攜眷歸里。婺北清華胡故里也。時值婺招勇團練。乏人統北勇。胡挺身力任。與賊戰。賊屢敗。咸豐七年。賊擄浮之景德鎮。去婺界數十里。浮與婺接壤。要口煩多。西之鍊勇不足防守。西之民以浮精埤口。自任請北勇幫助。時值胡病足未痊。遂合俞某統勇前往。俞率勇至浮之鯉魚橋。覷望不前。賊來破泥。民與之戰。殺賊數百。賊不得破。恨更甚。屢催俞往。俞竟不赴。又求火藥。俞亦不與。來日賊大至。滿山遍野皆賊。衆寡不敵。民遭

國。國。俞。坐。視。不。救。反。退。數。十。里。胡。帶。疾。乘。轎。趕。至。半。途。  
閩。民。衆。死。難。者。三。百。餘。人。殺。賊。五。六。百。人。遇。俞。於。途。胡。  
大。罵。忍。心。害。民。賊。俞。若。罔。聞。率。勇。回。局。幸。民。死。守。賊。不。  
能。破。後。於。咸。豐。十。年。賊。據。婺。城。四。鄉。會。同。攻。城。并。請。官。  
軍。共。事。官。軍。失。約。民。人。鍊。勇。死。難。者。數。百。人。胡。執。雙。劍。  
率。數。十。人。持。鳥。銃。且。戰。且。退。退。至。五。六。里。足。疾。大。作。遂。  
謂。衆。曰。汝。等。各。逃。性。命。吾。不。能。行。當。從。奮。義。諸。公。於。地。  
下。矣。賊。追。及。仍。殺。賊。數。人。賊。不。能。近。遂。以。長。鎗。刺。之。中。  
鎗。而。死。身。倚。山。挺。立。而。不。僵。面。貌。如。生。常。帶。怒。容。上。司。

請於 朝蔭其子孫立忠烈祠焉。

孝婦二則

如皋東鄉馬塘鎮道光二十五年天旱河水盡涸茅屋被火有王李氏生二子長四歲次纔數月王傭書十里外夫婦事上盡孝是日婦見火起老姑卧病在牀婦卽棄兒負姑逃出火勢正烈不能復入姑媳望火號哭而已及火息婦見己屋猶存遂撥炭而入兩兒皆無恙屋上茅皆未焦婦孝格天劫火不燒其廬耳

如皋豐利場堤外有徐繆氏夫死有二子姑老子幼家

貧織蒲包爲活。婦事姑極孝。咸豐八年秋初夜。忽海溢。婦聞聲急起。棄兒於牀。負姑逃於墩上。海潮立長。回顧水已淹墩。脚離墩面只尺餘。姑媳望潮哀泣不已。及曉潮退。婦急至家。見茅屋毫未損傷。門戶窗櫺皆泥堆塞。急推門入。見屋內地乾。二子嬉戲牀上。負姑而歸。是年被潮淹死者數百人。房屋冲壞無算。而獨孝婦家保全無損。豈非天示節孝之報歟。

報子報讐

廣東王某盜也。年四十。方得一子。愛同珍寶。而此子恒

多泣。見王更甚稍長。王提抱之。卽扣身而號。於是王遂不敢觸其怒。及數歲。性暴如虎。稍拂其意。卽破皿壞器。最喜鮮衣美食。王竭力供其所欲。數年家漸落。子年十。一大如成人。王一日忽發頭旋卧牀。子卽持王佩刀趨至牀前。將王亂斫。王巾數十刀。身無完膚。王妻奔出號救。四鄰交集。見其持刀狀貌。懼不敢近。遂鳴之官。官急往驗。見尸鱗傷。追其子來鞫問。曰。汝父生爾育爾。有何負爾。爾直如此兇惡。是何理也。子曰。不然。吾奉陰曹主宰。命吾索命取財。何云殺父。官詢其故。子曰。吾前生閻

人也。姓某。販紅茶來廣東。茶售。卽置貨載資而歸。不料途遇賊黨。持火銃刀鎗。兇湧而來。船戶水手及夥驚。竄二夥墮河而死。吾顧資不捨。王至。執此刀將吾亂斫。挨入波中。竟沉海底。吾哭訴陰曹。陰曹令自報仇。今仇旣報。當復命冥官。不得久纏人世。遂以刀刺喉而死。官吏及觀者聞之。駭嘆不已。此道光戊申冬事也。張志仁賈於廣東。得聞其顛末。遂書以爲惡盜鑑。

### 雷擊三則

道光二十四年十二月廿四夜。傾盆大雨。雷轟電閃。休



邑東門外擊死一人。係肩挑貿易者。數日前往屯溪販魚。天未曉。行至半路。見一棄孩。身裹杭綢一疋。布兩疋。綢在孩身。將布解開。內有銀廿兩。紅帖一紙。某則取綢布銀。拋孩於水。帖遺於路。後有與某同販魚者。天曉見紅帖。拾視之上。載孩姓氏并綢布銀。囑拾得者收爲己子。及見某擔中綢布相符。詢其小孩某不能答。捏辭掩飾。至廿四夜二更。風雷大作。將某提出門外擊死。背上紅篆四字。謀財害命。張志仁於廿五日過休邑見之。是日婺北瑣口潭。俞姓兄弟二人持銃呼犬入山打獵。

終日無所得。及晚忽見一遠方人來。身背重包。其弟謂兄曰。有生活矣。其兄不言。其弟則當背一鳥銃打死。取其包裹而回。並無知者。是夜兄弟卧牀。二更時雷從牀下擊上。擊死其弟。其兄遍身被雷火燒爛。令說其弟謀客情由。則不疼。否則疼甚。二十六日張志仁宿清華。聞之。

景德鎮有婺北溪頭程某。自其父手內開一雜貨店。資本數千。其父死。程纔廿餘歲。又無兄弟。纔生一子。因見店中一夥黥縣汪姓。爲人精巧多謀。程謂之曰。我苦無

兄弟家中照料無人。此店與兄相共。兄力弟本。除本分利。兄意若何。汪曰。如此甚善。於是則請出婺源俞某。夥縣吳某。作中立合同。爲據。程每年至冬月來店內盤賬。付所餘回家。閱七八年矣。二十四年冬。程至店中。忽染一病。頗覺沉重。請醫診視。諸言不妨。程病至三日。遂卒。吳某係店內之夥。俞係自生理。卽請俞來。同具信着人報其家。其妻聞訃。立攜二子率弟至景德鎮殯殮。後汪則向言店內資本。其夫逐年拔清。店內皆是借人本錢。並無程姓關涉。婦云。店雖無我家資本。總是我家老業。

必要貼銀數百以安生死。汪云。店內無餘。堅不肯付。吳與汪同聲相應。蓋吳知受賄。俞力勸再三。汪硬不從。十二月廿四夜。汪吳俞及程妻子在店中。正言其事。二更時。雷鳴一聲。將汪吳提出。汪遭擊死。吳被雷火燒其頭面及兩手。跪於地下。口中朗言。汪某下毒藥中謀命圖店等事。一一言明。店中全是程家資本。汪及他人絲毫無分。程妻及妻弟與俞皆驚呆半日始醒。于是程妻託俞照應店務。遂盤夫櫃回家。二十八日過志仁村。程妻自述如此。三處雷擊皆二更時分。特書警世。

淫報

道光己酉科江南鄉試。有一士子在場中夜分。或言或笑。時哭時罵。至四鼓不聞聲矣。隔號往探。見其衣裏頭。坐而不動。視之面上。被刀碎割已死。卷上有一詩云。孤魂漂渺十餘年。今日相逢矮屋前。誤我功名污我節。當初錯認是良緣。場內貼出示人可爲薄行之戒。

史公祠墓聯文

吾友嚴問樵太史。題史閣部祠聯云。生有自來文信國。死而後已武侯鄉。爲祠中諸聯之冠。

巴少謙遇長面鬼

歙縣巴少謙善弈。年五十餘。客揚州。夜歸寓。行至柳巷。見一鬼物。頭面長二尺餘。身長亦如之。脚着黑靴。蹣跚而來。巴讓路舉目視之。見其鼻孔巴覺頭疼。眼不能開。橫行倚牆而立。危迫之際。忽聞人聲嘈雜而來。眼始能開。匍匐而歸。卧病六日而愈。甲戌秋九月事也。冬十一月二十七日。余訪陳卿雲軍門於聞園。巴時下榻園中。與軍門算弈。偶談及此。故特書之。

胡翁德報

俞鑑泉世兄與余言。甯波黃氏子貧無賴。將賣父母合葬之墓地。時胡翁客居甯波客寓。胡餘姚人。喜看地。黃氏地在客寓間壁。胡見地前水法頗好。偶一稱賞。店主。人曰。地主困乏。將賣此地與別姓矣。胡爲歎息久之。是夜胡聞間壁鬼語。哭泣之聲甚慘。公婆云。子不成器。要賣邱墓。我兩人明夜露宿何處。真可傷哉。胡聞之心惻。早起託店中爲中。要買黃氏地。約業主來議價。俄頃黃到。胡問黃地價若干。黃曰。某還我十八元矣。如加二元。我便賣之。胡令其立契。店主作中。畫押付價畢。胡謂黃。

日自賣之後。汝父母合葬之墓在我地上。永不准起。我  
非謀此地。實保汝先靈耳。黃感謝而去。是夜胡聞間壁  
兩鬼歡笑之聲云。胡君真是我夫婦大恩人。何以報德。  
夫曰。胡君尚未生子。我訴閻君。願投子報之。婦曰。善。胡  
早起到墓前拜禱。願老翁到閻君前代求一子。足感厚  
意。何敢屈丈爲子哉。是夜胡夢老丈同老婆來謝大恩。  
并言已代到陰曹求嗣。據云。胡君簿上本有二子。四十  
三歲得一子。四十八歲得次子。言罷而退。胡今年已六  
十餘。果得二子。重慶下俱已成立。黃氏子久去世。留一



孫云。

詩丐

詩丐不知何許人。又不詳其姓字。有絕命詩云。野性從來似白鷗。又攜竹杖過通州。飯囊傍曉盛殘月。歌板臨風唱晚秋。兩足踢翻塵世界。一肩挑盡古今愁。而今不食嗟來食。黃大何須吠不休。州官見其詩。憐其才。悲其遇。厚葬於郊外。刻絕命詩於墓前。題曰詩丐之墓。道光年間。余游吳門。吾友余黼閣誦詩丐絕命詩。有感作七古一章云。詩人境遇何多窮。通州詩丐詩真工。一篇傳

世死亦足。不羨朱門飽粱肉。吟風詠月常晏如。酒囊飯  
袋毋乃俗。君不見夷齊餓死首陽山。詩詩長留天地間。  
景公千駟何足道。飽生不如餓死好。繡閣亦有詩感慨。  
激昂惜余忘之矣。

張子岡贈朱孝子詩

南昌張子岡。璫少尉云。同治十年春。由都門南旋至高  
郵界首鎮。聞朱孝子名。因訪之。孝子年六十六歲。寶應  
人。工隨父業。薙髮。從不與人爭利。好善樂施。飢寒不自  
恤。父歿二十年。母歿四十年。每日供養木主。誠敬如生。

同治丙寅夏清水潭。溺。民間田。台。漂沒無數。其父母。塚。當衝處。倉皇間。孝子奔伏塚上。悲號痛哭。願隨衝去。水從兩旁瀉。竟無恙。爵相李公方署兩江總督。聞其事。奏請。旌表。榮以頂戴。居人助金。建孝子坊。孝子曰。吾。向鄙賤。敢辱。朝廷頂戴。棄父藝耶。有來訪者。叩頭謝。不敢當。自陳風木之慟。涕泗俱下。嗟乎。如斯人者。可以。風矣。因賦五古一章。詩云。

寶應朱孝子。事死如事生。一朝洪流急。含皇伏親塋。號咷痛叩禱。九天聞哭聲。堤決塋尚在。至孝通神明。

聞諸賢大夫。章奏入請。旌綽楔界首鎮。過客皆心  
傾。紆途一把晤。欸欸言動聽。云孝百善先。長跪勸衆  
行。漫謂辭鄙俗。真乃出至誠。賤不忘父藝。施舍兼勤  
能。我慚百不如。所喜母遐齡。愧爲升斗俸。奔走勞夢  
驚。貧賤實慰親。仕宦徒營營。孝哉朱孝子。聞者宜悻  
悻。

### 僵屍

上海徐石史茂才名大有。吾故人也。嘗與余言浦東三  
林塘之垃圾。有陳雨蘭者。耕種爲業。述及伊兄咸觀。歿

後五年成僵屍。一日出鄰夏子香在田。厚水時交五鼓。忽見洪南浮雲屋脊上。咸觀盛服而坐。面白色。目有光。幸隔一洪。不致驚懼。鷄初鳴。忽不見。因告其兄雨蘭。是晚偕雨蘭往。厚水復見咸觀坐屋脊。黎明約村人持熱醋數斤。灌入柩內。聞柩中轉側之聲。良久乃絕。啟棺見咸觀屍未爛。白毛遍體。鬚眉指爪長已五六寸。衣服如紙灰。舉火焚之。唧唧有聲。

### 烏魚精

江西南昌縣徐孺子亭。土人傳說出烏魚精。廬山瞻雲。

寺住持覺善字脩梅。偶與友人到亭中乘涼。見一人遍身全黑。同人逐出。頃刻之間。風雨大作。遊者捲衣而逃。行未半里。風雨頓止。時壬戌七月十五日也。脩梅僧來邗上。與余述其事如此。余曰。人逐烏魚。尚受其害。若逐犯老蛟之怒。生靈遭其荼毒。更不可問矣。吾願世人遇此怪物。急宜避之。

凌氏義女貞孝

廣陵凌夢湘。茂才名雲。才兼文武。獨立成家。偉丈夫也。年近古稀。授經爲業。同治十二年癸酉。館於吾壻漢卿。

家吾來養志園得與夢湘談詩論劍聞其爲義娣請旌事因叩其畧夢湘爲余述之曰此雲先母之義女也雲幼孤伶仃孤苦一家只母子與義娣三人而已雲五歲母始授經娣卽伴讀如是者十餘年雲授湯氏生長子嫫及嫫就塾皆娣維持調護娣聞母欲爲擇配則泣辭不應迫之則曰俟母百年再議母知其志不可奪也於是招親戚命爲義女其後母年益衰娣孝愈篤母彌留時猶呼雲等命之曰娣實凌氏功臣也汝等宜以事我者事之否則以不孝論雲等感深以泣母乃含笑而逝

暮年後。雲之妻與長子長媳相繼而歿。又爲雲籌娶繼室徐氏。又憐繩武幼失恃怙。愛之尤甚。庚戌年。次子鍾駿生。娣遂兼領。癸丑之亂。娣攜繩武。鍾駿避難於董家莊。備嘗艱苦數年。至辛酉。徐氏故。娣又爲鍾駿聘郭氏女。年十歲。爲養媳。教以婦職。長爲完婚。又爲繩武娶陳氏女。今鍾駿生二女。繩武生一男。凡四代婚。教五次喪葬。皆娣經營襄助。今娣年已七十有四矣。母臨終時。所謂凌氏功臣者。於茲益信。



見聞續筆卷二十二

婺源 齊學裘 子治

五龍擊吼

紹興張子希運同克賢工詩。余友仲虞司馬學韶之令姪也。甲戌六月初旬。從清江回揚。與余言近時河南陳州野地出一吼。渾身是火。燒毀民房無數。一日五龍下降。雷雨大作。龍與吼鬪一晝夜。人見火毬一團奔騰往復。村莊房舍數千家。頓成焦土。一片爲害如此。真是罕聞。究竟不知五龍能滅一吼否。

### 長星現

同治十三年甲戌五月間。有長星二座。見於西北。黃昏時出。夜分時落。光芒直衝北斗之旁。

### 厲鬼

山陽萬家集有李某。在生無所不爲。終日以害人爲事。人恨而活埋之。死爲厲鬼作祟。尤甚於生前。人患受其害。延法師通鬼禁入甕中。逾時有小童掘地得甕。開甕取物。無一所得。但聞空中有云。感謝之聲。厲鬼出甕。不復行兇於人。頗肯護佑鄉里。夜出乘輿張燈。鄉人稱爲

李大老爺不敢有慢。高良澗有長鬚土地。李鬼畏之。不敢到高良澗。張子鵬世兄與余言如此。

### 義馬

山東某武弁乘馬出差途遇捻匪。下馬投入晉井。賊去。馬來窺井。欲救主人。盤旋井上不忍去。主人謂馬曰。我不能出井。汝不能救我。留戀無益。不如捨我投生去罷。馬泣淚如雨下。啣索垂井。某緣索得出。馳馬而遁。噫。馬真義哉。余聞子鵬述其事。特爲書之以警世之事主者。

### 惡僕殺主顯報

安徽戴子開大令。北上引見。跟隨本鄉人二名爲僕役。行至中途。二僕殺主投之河。劫其行李細軟金銀。返至袁江住客寓。忽遇主人舊役。駁問二僕從主入都來何速也。二僕以主在途中病故答之。舊役心疑。到客寓見主人衣服行李。居然完備。遂密告地方官郭月樓觀察。與戴同鄉故友聞之。出差逮提。嚴訊得實情。適李中堂鴻章提兵過境中。稟中堂訊實。遂誅之。差速行李物件於其家。同治初年事。甲戌三月三日。方子箴都轉濬頤脩禊於揚州蜀岡平山堂。飲酒宴客。席上爲余述此事。

屬爲書之。以告當世之官紳用僕者。不可不慎云。

### 忠馬

袁浦某漕帥。發日行三百里。文書到京。途中負文書旗牌墮馬死。馬卽啣其文書包裹。直馳入都。交卸。京官接文書。見馬不見人。知其必喪於途。差役循查。果得尸於山東驛路。漕帥奏聞。詔封馬職。配祀馬王廟云。

### 義犬塔

山東某乘醉夜行。犬隨其後。某醉卧在地。犬環侍之。忽見野火燒來。犬急下谿。以身取水。撲草淋漓。往反數十

次。犬力竭而斃矣。醉漢得濕草圍身。得免於焚。某感犬救命之恩。遂葬犬於野。築小塔以表之。名之曰義犬塔。嗟乎。世之爲人臣。爲人子。爲人弟。爲人友。爲人役者。能無愧於犬之忠心竭力焉。則亦幸矣。以上二則。張子鵬述。

鴨齧鷄脚

徐石史云。嘉定南翔鎮有陳老慶者。開豆腐店。家蓄一鷄。頗肥重。爲對門糟坊主人所見。戲謂慶曰。明日我備酒肉。君以鷄佐之。作一小飲。何如。慶然其言。因囑店夥。

詰朝殺鷄以待。及至天曉。覓鷄不得。而糟坊主人已攜酒肉來矣。詢知鷄已不見。適鵲塢中尚有一鴨。亦極肥美。因謂慶曰。何不卽以鴨代之。慶卽令店夥提鴨。不意鴨從天井飛起。伏在店房檐下。鴨竟不出。鷄忽狂叫。店夥將櫃撥開。見鴨蹙鷄脚不放。糟坊主人觀此情形。恍然大悟。鷄鴨微禽。尚通知覺。貪生怕死。况爲小民。無故殺生。固非正道。君子見其生。不忍見其死。聞其聲。不忍食其肉。惻隱之心。人皆有之。因與陳慶立誓戒殺。互相勸勉云。

梁心芳廉訪結獄

文登陳叔耕茂才云。梁心芳先生爲安徽臬司時。曾結一獄。有思錦心拔貢生。有才無行。子某孝廉。娶婦賢而多財。伉儷甚篤。年餘因疾亡。故報其母。其母痛其女天傷其壻。貧無資應春明試。又知壻父無行。恐用女財。將女所遺首飾。納諸匣中。聲言殉葬。將運私授其壻。而壻父不知也。孝廉停婦棺於後空屋中。東裝北上。應試。其父知其棺內多藏也。倩無賴數人開棺。索無所得。匪人聞散。其父不能釘棺。遂置不理。其子下第歸。至婦柩前。



駭見棺啟急告其父。鳴官將檢尸。其父謂子曰：婦年少不可眩露。可求免相。子道父命。稟官免相。只求釘棺捕盜。數月無耗。其父急欲結案。謂縣令曰：媳有婢。吾見婢有首帕。棺中物也。令置婢於獄。株連數人多斃者。將以婢議抵矣。梁廉訪目擊此案。心知其冤。欲出之。令不可。陳公曰：當檢尸時。見其首有帕。否。令以未親檢對陳公曰：一人不能用兩帕。尸首如有帕。則婢之帕爲其主平日所賜可知。如無帕。疑其婢可也。將棺提省親驗。首帕依然。始知婢冤。思錦心忽。貌若狂。自言是我因財起見。

以至成此大獄。遂議抵罪。旋死獄中。其子在家聞父死。亦自縊。陳公欲參此令。令哀求獲免。遂以婢嫁思錦心之少子。案乃結。

### 吳文節公

原任兩湖總督吳文節公。文銘。儀徵人。已卯翰林。爲督

撫近三十年。有大臣風。咸豐壬子正月十五日兵潰鄂州諸城。賊刺不殊。引劍自斷其吭。公十九歲入邑庠。學使按臨。值端陽前二日。文題曰臨大節。詩題蒲劍。公殉難。謚文節。引劍自絕。詩文題已預定終身。誰謂數之不

可信哉。韓文川云。

邱大惡報

河南河內縣劉氏巨富。世單傳。一日劉以療亡遺孀。未  
三十一子七齡。宗人有虎而冠者。出入公門。交丁胥。欲  
謀其產。不得良策。遂密商門丁邱姓。邱曰。事不難。我以  
錦囊授子。照行之。家財反掌可得。然必以巨萬謝我。虎  
冠者允諾。歸拆錦囊。果妙計。劉孀母家相距三十餘里。  
素往來不輟。忽一日日晡。母家莊漢誰某將車至。色倉  
皇。曰。老太太猝中風。請姑太太攜小相公坐車速看。遲

恐無及。婦驚痛。卽登車約畧十里。宗人虎冠者率無賴  
十餘人。攔車問何往。婦告以母猝病。宗人曰。壯夫少婦  
同行。非奸拐何。遂扭莊漢跪地鞠之。鞭撻雨點下。莊漢  
叩首承奸拐供。通姦定期約逃。歷歷如繪。宗人喝令將  
車與人送河內縣。三更官坐堂審訊。劉婦素勤女工。每  
歸必帶刀尺。今知機穽已成。不可置辨。到堂不言大哭。  
以剪自剖其腹而死。縣中以該婦羞忿自戕。報上臺。莊  
漢因尚無口供。照和姦主母減死擬流。又以無主僕名  
分。贖贖資以千金。令其逃徒赴遠省立業。永勿回鄉。十

日事定。宗人與邱縣共分其產。自大令以次均染指焉。此卽邱姓錦囊厚計如是如是。未幾冤聲四起。母家屢訟。以其女已死無可質問。雖有賢宰難爲平允。日久風聲傳播。生員動公憤。歷控各憲。至巡撫始批發河北道親提嚴審。宗人大懼。復求計於邱。邱曰無害。但必再子我萬金。事方濟。宗人如數付之。本官亦憂疑。邱稟小的暫假三月。自有布置。必不累老爺。如本道提小的。但求立限三月。必提邱姓小的去。以家口住署中爲質。本官知其能許之。是時撫豫者乃貴子。本道亦素奢侈。皆好

著細毛衣。不惜重價購買。邱往涇陽皮樓。得異色皮。值萬金。偽作皮貨客。先游大梁。再游武陟。以異色皮。用賤價。售於中丞觀察。止取三成之值。幕丁用事。人無不以皮貨賄之。與之交歡如友朋。事畢。內署方開。蒙始行文。提邱大。定期本道親臨縣境。檢驗審問。縣中以人証俱齊。申復。並不用立限三月。嗣本道至。集人証。親鞫點單。上第一名邱大。及帶至案對面相視。邱大卽客冬皮貨客某姓也。本道驚詫失色。遂含飴訊問。以孀死明係畏罪。羞忿死。出自戕。何從檢驗。陰囑縣令諭劉氏宗人。捐

萬金修學宮。并諸生厚潤。而息忿恨。仍以原案詳復。邱大隨詳文赴省。更行賄於院。奉批如詳結案。從此更無伸冤之日。而宗子之產。十耗六七。邱大之囊。轉豐自謂高枕無憂矣。未幾本官二子死。痛切病肺。官亦死。邱席卷所有。裝十八車。載歸陝。準備安享。詎行至鞏縣老犍坡山溝內。山水突至。親丁十六口。隨從八口。車輿輻重。皆成齏粉。水退。縣中往驗。獨邱大之屍。尚因辮髮繞於樹上。首級脫如梟示者。峭石薄如刀。適剖其腹。儼凌遲之狀。山水冲決。無屍可覓。天報極惡。侍於邱大一破其

例造物之巧較邱大錦囊如何爲哉。惟宗人虎冠者未聞天誅。七歲孤兒不知下落。想傳此事者殆有漏與。

成衣匠奸計

鎮江楊宇和述一事。有鄉人新娶。滿月後送其妻歸甯。途遇成衣匠某。謂鄉人曰。爾氣色不佳。當有大難。須在房中避過百日。方無事。鄉人信之。送妻至岳家而返。以告父母。果然足不出房。茶飯則其母從窗中送食。月餘其妻帶箱而歸。妻爲送食。鄉人忽發狂疾。婦奔出房。將門倒鎖。一日晚婦曰。房中馬桶數日不倒矣。乃開房門。



忽鄉人自內跑出門外投於河。衆大譁。燕杏不可得。燭之則遺鄉人之衣於河灘。婦號哭不已。鄉人之父母見子已死。婦又年少。不如嫁之。已爲擇配。婦不願嫁。後其母爲主婚。許配成衣匠某。卽前途中所遇者。遂嫁之。後與人議曰。投河無尸。一可疑也。姑爲擇配。則願守。母爲擇配。則願從。二可疑也。於是訟於官。因思發狂投河事。甚匆茫。萬無旣到河邊。猶從容脫衣之理。立提成衣匠及婦到案。嚴刑之下。盡得其實。從牀下得鄉人口。奸夫淫婦皆置於法。初婦之未嫁也。與成衣匠有私。二人預

爲設計。先令避災不出房門。婦歸時某卽藏於箱內。乘夜謀殺之。埋尸牀下。某素識水性。佯狂投河。皆某所爲。卻從別處上岸。又置鄉人之衣於水邊。使人益信爲鄉人之死。其計甚巧。然終不免敗露。官法難逃。世之作惡者。盍其鑒諸。

打鬼愈病

有兄弟二人。共收得五十千頭小會。適妹染病。母欲爲女送祟。二人告母曰。此錢抵某事之用。不可散用。妹病未愈。母又言不得已從之用。盡五十千文。以冀病愈。乃

聞病人冷笑曰爾等好不公道。間佛燒香。爾既請客。我  
等一樣是客。何不請我。你道用了五十千文。就罷了麼。  
如今再罰你用五十千方罷。兄弟二人大怒。一特門門。  
一特木柴。大罵曰。爾既是客。當我請客之時。何不便吃。  
既請過了。又出此言。我知道你在此麼。是我教你不吃  
的麼。言罷。滿房亂打。病遂愈。

### 蜈蚣精

道光甲辰六月念五日。姻家某部郎六十壽。往祝留飯。  
席中有上虞董君亦來京鄉試者。酒半歎曰。今日某公

壽日。去年今日。幾爲我忌日。衆愕然問故。董曰。我向就  
開封府書啓館。胞叔向就陝西臬署刑館。去年六月十  
九日。忽足至。發函知叔得危症。呼召其往。時逢大雨。驟  
車歇。夏不得已。雇二把手車。隻身襆被行。二十五日酉  
刻抵陝州東夾村。距城十里。陰雨密布。雷聲殷殷。不敢  
前進。視道旁有廢寺。遂止宿焉。停車於戲臺下。二車夫  
挈瓶出汲。買村中餅餌。雜以瓜茄。飽餐抵足。卧於戲臺  
下。余見廢寺無僧。有戒心。隨車夫畧啖餅二葉。周行殿  
上。見佛像後有空室如斗。雙板扉殘破。余解被囊置室

之堦下。閉日假寐。不意風聲漸緊。天皆黑。電光繞殿如金蛇。須臾忽見一火毬自山門對面山飛下。飄空直入寺門。至戲臺照二車夫鬚眉畢見。火毬旋至大殿拜石前。盤旋不已。忽作爆竹聲。火毬裂而爲兩片。若蓮花二瓣。矗立殿上。火毬內一美人躍出。紅衣綠帔。高髻冶容。真絕代姿也。蓮瓣火光照耀如龍女之在佛光中。美人徐理襟袖。向佛膜拜不休。約一刻頃。復翻身蓮瓣相湊。仍合爲毬。依舊旋轉。由舊路飛回山上。此時霹靂一聲。大雨如注。余則神竄飛越。不知已身之何在。四更雨止。

坐以待旦。呼車夫登車就道。詢以昨夜事。但云熟眠無所見。到陝叔病已愈。留半月侍奉。仍回汴。道出舊地。見廢寺成一堆瓦礫。訪之詢之土人。僉曰。公欲知異事乎。七月五日大雷雨。擊死大蜈蚣一條。長丈四尺。廢寺震倒。好事者剖蜈蚣。節節皆綠石如綠松。可玩。并無寶珠。余始知廿五夜所見。卽此怪也。假使知有人。余其有今日之生乎。坐有一客曰。彼方求佛救護。安肯害君。如此美人。若於逆旅中。花晨月夕遇之。君真得死所矣。相與一笑。

改過自新義賊

文登陳叔畊云。兒時居鄉。一日莊門旁賊穿一穴。酒房內見一少年賊。醉卧在地。腰纏青蚨三貫。稟知家大人。親臨察看。大人命以醉醒湯灌之。賊旋醒。仰見多人。倉皇起身。跪地叩首謝罪。大人以好言訓戒。命其速去。將三貫腰纏賜之。可作小本經紀。賊感深涕泣。願爲莊佃種地。效犬馬之勞。以報盛德。大人曰。汝性必好喫懶。做以至做賊。安能作長工種地。速去。速去。賊曰。聖人云。過則勿憚改。彌天大惡。當不得一悔字。小子日前做賊。小

子之過也。今蒙大德寬恕。不治以法。反施以恩。小子負  
慚無地。願爲佃丁。以報大德。大人聽言察意。遂收用之。  
某忻然起立。從事畊作。不辭勞苦。其爲人也。極其誠篤。  
諸事可靠。大人予以莊屋數間。妻以使女一名。某迎母  
奉養。連生三子。長男中男務農。少男業儒。某年近五十。  
總理陳莊。始終如一。允推義佃。陳氏賴之。諺云。放下屠  
刀。立地成佛。某之謂歟。

### 巧姻緣

葉成郭登雲。茂才號挹青。十七歲入泮下場。人甚老成。



家甚寒。文登陳叔畊茂才與之善。憐其才。憫其窮。邀其同寓。濟南應試。寓之對門。有開茶爐母女兩人。俞姓開店。女年十八。端莊流麗。口來送茶水。郭生面重見之。踴蹙不安。叔畊時年二十一歲。因謂俞母曰。郭老爺至誠君子。見汝姑娘來送茶。踴蹙不安。此後送水。煩汝親來。何如。因戲謂之曰。汝家姑娘有婆家。未嫗曰。未字。陳曰。我欲伐爲作伐。將姑娘許配郭老爺爲正室。不知意下如何。嫗聞言無語而退。越日嫗來謂陳曰。昨日作伐之言。是戲是真。陳曰。婚姻大事。安敢戲言。嫗曰。老身歸與

女商女欣欣樂從一言既定。拜煩陳老爺作伐。陳曰。郭生家寒。財禮不能如數。奈何。姬曰。只要青蚨六十千文。做幾件粗布衣服首飾。候場後雇一驢子。從夫壻歸耳。陳遂代爲部署。一切下定。送盤考畢。郭生俞姑連騎。于歸。完婚後。連生三子。皆茂才。教讀爲業。現入棲霞縣籍。郭挹青今年四十餘矣。叔畊偶談及此。故特書之。古語云。千里姻緣一線牽。良不誣也。

### 王金聲

王金聲。淮安府安東縣人。忘其號。咸豐九年。俞培之少

尹允超與金遇於沐陽。時年一百零四歲。夫婦齊眉。婦亦百餘歲矣。自言六十餘始游泮。七旬外中壽榜。舉人百歲登進士第。欽點翰林。精神充足。步履輕健。齒牙堅固。耳目聰明。飲啖不異少壯。人問有何術致此。答云。別無他奇。惟早睡早起。白晝不假寐。肢體常令小勞。淡嗜欲。節飲食。少用心而已。聞至今猶健在。已近一百二十歲。惜乎未見其人也。

張吳氏貞孝節烈傳畧

婺西甲路北山人張某業儒。年十六而卒。吳氏未嫁而

夫亡決志守節。往事翁姑。生事以禮。歿葬以禮。族叔公憐而立嗣。嗣子名德祖。木業鄂州咸豐二年。被擄逸出。代子娶婦生子。八年毛賊犯婺。遭賊殺死。年已六十餘。子婦與孫無恙。